

GRBAVCANI U SREBRENICI

Prva manifestacija Grbavacki dani zvanično je okončana organizovanim odlaskom naših mještana u Srebrenicu i obilaskom Memorijalnog centra u Potocarima. Organizatori manifestacije su zahvaljujući brojnim donatorima, obezbijedili autobus za Grbavcane koji su posjetili mjesto najvećeg stradanja bošnjačkog naroda u našem komšiluku. Oko 50 mještana je prisustvovalo casu historije u samom Centru, pogledalo stalnu postavku fotografija, obišlo spomen-sobu i na kraju prisustvovalo projekciji dokumentarnog filma o genocidu.



Medju više od 8 hiljada imena uklesanih na kamenim pločama, nalazi se i jedan Grbavcanin, Meho Dardagan koji je stradao u pokušaju prelaska od Srebrenice do Tuzle, u koloni smrti. Godina njegovog rođenja je pogrešno upisana, ali se zna da je rahmetli Meho žrtva genocida.



Grbavcani su ovom prilikom posjetili i sam grad Srebrenicu, a neki su se i fotografisali na vidikovcu iznad ove carsije.



S obzirom da su utisci mještana nakon ovog puta više nego dobri, razmišlja se da se slične posjete gradovima i znamenitim mjestima u našoj zemlji organizuju i u narednom periodu.

